

Izjava: OHR poziva na usvajanje novog Zakona o visokom obrazovanju

OHR je pozdravio današnje formiranje Koordinacionog odbora za ekonomski razvoj i EU integracije pojačanog ministarstvom civilnih poslova i entitetskim ministarstvima kao i formiranje radne grupe koja će raditi pod predsjedavanjem premijera Adnana Terzića, sa hitnim zadatkom da izrade tekst zakona o visokom obrazovanju na državnom nivou, a koji će biti u skladu sa Bolonjskim procesom te drugim međunarodnim obavezama BiH u području visokog obrazovanja.

“Ured visokog prestavnika ohrabruje činjenica da su se sve uključene strane obavezale izraditi zakon o visokom obrazovanju koji će uključiti elemente Bolonjskog procesa i Lisabonske konvencije o priznavanju kvalifikacija, te započeti stvaranje integrisanih i nezavisnih univerziteta”, rekao je viši zamjenik visokog predstavnika Martin Ney, nakon inauguralne sjednice Koordinacionog odbora.